

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Der Nibelunge Lied**

**Leyser, Hermann**

**Leipzig, 1840**

XV. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)




Wie ze Wormze widerseyet.

XV. Auenture.

**G**

n dem vierden morgen. zwen vnt drizzech man.  
 fach man ze hove riten. do wart es kunt getan.  
 Gunther dem vil richen. im wære widerseit.  
 von looge erstunden frowen. diu aller grozisten leit.



Urlopp si gewinnen. si solden for gan.  
vnt iahen daz si wären. die Kivdegers man.  
den e' da het betwungen. div Sivrides hant.  
vnt in ze gifel brahte. indaz Gunthers lant.

Die boten er do grozte. vnt hiez si sitzen gan.  
ir einer sprach dar vnder. herre lat uns stan.  
vnz wir sagn div märe. die iv enboten sint.  
ia habt ir zevinde. daz wizet manich moter kint.


Iv widersagt Kivdegast. vnt Kivdeger.  
den ir da wilen tatent. div gremlichen ser.  
die wellent zuo ziv riten. mit her indizze lant.  
do begunde zornen Gunther. als ob ez wäre im vnbechant.

Man hiez die trugenäre. zen herbergen varn.  
wie chunde sich Sivrit. do da vor bewarn.  
er oder ander iemen. daz si trugen an.  
daz wart sider in selben. zegrozem leide getan.

Der kunic mit sinen frivnden. roncende gie.  
Hagene von Tronege. in nie gerowen lie.  
noch heten ez gescheiden. gnvoze skuniges man.  
done wolde Hagene. nie des ratesf abe gan.

Eines tages Sivrit. si roncende vant.  
do begunde vragen. der helt von Niderlant.  
wie get so tvrekliche. der kunic unt sine man.  
daz sol ich immer rechen. hat im iemen iht getan.

Do sprach der kunic Gunther. mir ist von schulden leit.  
Kivdegast unt Kivdeger. di hant mir widerseit.  
si wellent no offenliche. riten in min lant.  
do sprach der degen chüne. daz sol div Sivrides hant.



Wol nach iwer eren. mit vlize vnderstan.  
ia geton ich den degenen. als ich han e' getan.  
ich gelege in wste. ir burge vnt oveh ir lant.  
e' daz ich erwinde. des si min houbet iwer pfant.

Ir unt iwer rechen. ir sult hie bestan.  
vnt lat mich zo zin riten. mit den vnt ich hie han.  
daz ich ir gerne diene. daz laz ich irch geschn.  
do begunde im Gunther. darvmb groz genade ichn.

Do schieten sie die reise. mit den knechten dan.  
Sivride unt sinen degenen. zesehn ez was getan.  
do hiez er sich bereiten. die von Niderlant.  
die v; erwelten degene. die sohten stritlich gewant.

Do sprach der herre Sifrit. min vater Sigemunt.  
ir solt hie beliben. ich chvom inkurcer stont.  
git uns got gelucke. her wider an den Rin.  
ir sult bi dem kunige. hie vil vroliche sin.

Div zeichen si an bunden. also si wolden dan.  
do waren da genoge. Gunthers man.  
dine wessen niht der mare. wa von ez was gescheln.  
man mohte groz gesunde. do bi Sivride schn.

Ir helm vnt oveh ir prünne. si bunden of div march.  
do wolde von dem lande. vil manich reche starch.  
do gie von Tronege Hagene. da er Chriemhilde vant.  
vnt bat im gebn vrloop. si wolden romen daz lant.

So wol mich sprach do Chriemhilt. daz ich ie gewan den man.  
der minen lieben frivnden. so tar vor gestan.  
also min herre Sivrit. twot den frivnden min.  
des mooz ich hohes motes. sprach div kuniginne sin.



Vil lieber frivnt Hagene. nu gedenchet an daz.  
daz ich iw gerne diene. vnt nie noch wart gehaz.  
des lazet mich geniezen. an minen lieben man.  
ern sol des niht engelten. hab ich Prunhilde iht getan.

Daz hat mich sit gerowen. sprach daz edel wip.  
ouch hat er so zerblowen. dar umbe minen lip.  
daz ich ie beswarte. ir mit rede den mvot.  
daz hat vil wol errochen. der helt chune vnt gvot.


Ir werdet wol gefrivnde. her nach disen tagen.  
Chriemhilt liebiv frowe. ia sult ir mir sagen.  
wie ich iw moge gedienen. an Sifride iwerm man.  
daz tvon ich frowe gerne. baz ihf niemen gan.

Ich wär an alle forge. sprach daz edel wip.  
daz im niemen näme. instorme sinen lip.  
ob er niht volgen wolde. finer ober mvot.  
so wär ouch immer sicher. der helt chüne vnt gvot.

Do sprach aber Hagene. frowe habt ir wan.  
ob man in moge versniden. ir solt mich wizen lan.  
mit wie getanen listen. ich daz svel vnderstan.  
ich wil im zehvot. immer riten vnt gan.

Si sprach dv bist min mag. sam bin ich der din.  
ich bevillhe dir mit triwen. den holden wine min.  
daz dv mir behotest. den minen lieben man.  
si seit im kundiv mäere. daz bezzet wäre verlan.

Sie sprach min man ist chvone. dar zv starch genvoch.  
do er den lintrachen. an dem berge ssvoch.  
da batte sich indem blvot. der reche vil gemeit.  
da von in sit instvremen. nie dehein wafen versneit.



Doch so han ich forge. swenner instorme stat.  
vnt vil der gere schotze. von rechen handen gat.  
daz ich da verliese. den minen lieben man.  
hen was ich grozzer leide. dicke vmbe minen friunt han.

Ich meldez vf genade. vil lieber friunt dir.  
daz du dine triwe. behaldest ane mir.  
da man da mach verhowen. den minen lieben man.  
daz laz ich dich wol høre. dest vf genade getan.


Do von des trachen wuden. vloz daz heise blvot.  
vnt sich dar inne badete. der chüne reche gvot.  
do gehaste im zwischen herten. ein linden blat vil breit.  
da mac man in verhowen. des ist mir sorgen vil bereit.

Do sprach der ungetriwe. vf daz sin gewant.  
ne't ir ein kleinez zeichen. mit iwer selbes hant.  
wa ich in sole behoten. daz ich daz moze verstan.  
si wanden helt do vriften. ez was vf sinen tot getan.

Si sprach mit kleinen siden. nâ ich vf sin gewant.  
ein todgenliches cruce. da sol helt din hant.  
den minen man behveten. soz an die herte gat.  
vnt er instarchen sturmen. vor sinen vianden stat.

Daz ton ich sprach do Hagene. vil liebiv frowe min.  
do wande oveh des div frowe. ez solde ir froom sin.  
da mite was verraten. der vil chüne man.  
vrlovp nam do Hagene. do gie er vroliche dan.

Daz er revarn hete. bat im sin herre sagen.  
moget ir die reise wenden. so suln wir riten iagen.  
ich han nu gar div märe. wie ich in gewinnen sol.  
moget ir nu daz gefüge. daz tvon ich sprach der kunic wol.



Des kuniges ingesinde. was alles wol gemvot.  
ich wän immer rechen. deheiner mer getvot.  
so grozer meinrete. so von im ergie.  
do sich an sine triwe. Chriemhilt die kuniginne verlie.

An dem dritten morgen. mit tofint siner man.  
reit der herre Sivrit. vröliche dan.  
er wande solde rechen. siner fründe leit.  
Hagene im reit so nahen. daz er geschowet die kleit.


Als er gesach daz pilde. do schieter togen dan.  
die sagten ander märe. zwene siner man.  
daz vride habn solde. Gunthers lant.  
si het der herre Kudger. zu dem kunige gesant.

Wie ungerne Sivrit. do hin wider reit.  
ern getates kuniges uinden. eteslichiv leit.  
wande in vil chome erwanden. die Gunthers man.  
do reit er zu dem kunige. der wirt im danchen began.

Nu lon iv got des willen. frivnt Sivrit.  
daz ir so willechlichen. tvot des ich ivch bite.  
daz sol ich immer dienen. als ich von rehte sol.  
vor allen minen frivnden. so getrowe ich iv wol.

Nu wir der hereverte. ledie worden sin.  
so wil ich iagen riten. von Wormez vber den Rin.  
vnt wil kurcewile. zem Ottenwalde han.  
iagen mit den hunden. als ich vil dicke han getan.

Allen minen gesten. den sol man daz sagen.  
daz ich vil frvo rite. die mit mir wellen iagen.  
daz si sich bereiten. die hie wellen bestan.  
hoffchen mit den frowen. da si mir liebe getan.

A large, ornate decorative border in a Gothic style surrounds the text. It features intricate floral and foliate patterns, including acanthus leaves and stylized flowers, with a central medallion at the top and bottom.

Do sprach der herre Sivrit. in herlichem site.  
swenne ir iagen ritet. da wil ich gerne mite.  
so solt ir mir lihen. einen sprochman.  
vnt eteslichen brachen. so rite ich mit ir inden tan.

Gedurfet ir niht eines. sprach der kunic zehant.  
ich lihiv welt ir viere. den wol ist bechant.  
der walt vnt ovch die stige. swa div tiere hine gant.  
die irch vrwise. nach vns riten niht enlant.

Do die vil vngetriwen. vf geleiten sinen tot.  
si wisten; al gemeine. Gifelher vnt Gernot.  
wolden niht iagen riten. ine weiz durch welhen nit.  
daz si in niht en warenden. idoch erarneten siz sit.

